

## Ա Ր Ձ Ա Ն Ա Գ Ր ՈՒ Թ Յ ՈՒ Ն N 2

Ք. Երևան, 1 փետրվարի, 2021 թվական

### Հայաստանի Հանրապետության սննդամթերքի անվտանգության տեսչական մարմնի (ՍԱՏՄ) կառավարման խորհրդի (Խորհուրդ) էլեկտրոնային քվեարկության ներկայացված հարցերի վերաբերյալ

Էլեկտրոնային քվեարկությանը մասնակցում են՝

- Վ. Քերոբյան – ՀՀ էկոնոմիկայի նախարար (Խորհրդի նախագահ)
- Ա. Ասոյան – ՀՀ վարչապետի աշխատակազմի տեսչական մարմինների աշխատանքների համակարգման գրասենյակի ղեկավար (Խորհրդի անդամ)
- Ա. Պողոսյան – ՀՀ ֆինանսների նախարարի տեղակալ (Խորհրդի անդամ)
- Տ. Գաբրիելյան – ՀՀ էկոնոմիկայի նախարարի տեղակալ (Խորհրդի անդամ)
- Լ. Նանուշյան – ՀՀ առողջապահության նախարարի առաջին տեղակալ (Խորհրդի անդամ)
- Ա. Առաքելյան – ՀՀ ԳԱԱ-ի Մոլեկուլային կենսաբանության ինստիտուտի տնօրեն, ավագ գիտաշխատող (Խորհրդի անդամ)
- Մ. Բեգլարյան – ՀՀ ԳԱԱ էկոլոգանոսֆերային հետազոտությունների կենտրոնի սննդի շղթայի ռիսկերի գնահատման տեղեկատվական վերլուծական կենտրոնի փորձագիտական խմբի ղեկավար (Խորհրդի անդամ)
- Մ. Սանդոյան – «ՓՄՁ համագործակցության ասոցիացիա» ՀԿ կառավարման խորհրդի անդամ (Խորհրդի անդամ)

### 1. Հայաստանի Հանրապետության սննդամթերքի անվտանգության տեսչական մարմնի 2021 թվականի հաշվետվության նախագծին հավանություն տալու մասին

---

Սննդամթերքի անվտանգության տեսչական մարմնի կառավարման խորհրդի 2022 թվականի փետրվարի 1-ին հեռակա քվեարկության ներկայացված հարցի վերաբերյալ անդամները ներկայացրել են հետևյալ դիրքորոշումները՝

**Ա. Ասոյան**՝ ներակայացված Նախագծում առկա են հետևյալ թերությունները.

➤ «Տեսչական մարմինների մասին» օրենքի (այսուհետ՝ Օրենք) 15-րդ հոդվածի 2-րդ մասի 2-րդ և 4-րդ կետերի համաձայն՝ Տեսչական մարմինների տարեկան հաշվետվությունները առնվազն ներառում են վերահսկողության ոլորտում ռիսկերի առկա իրավիճակի վերլուծությունը, ինչպես նաև կանխարգելիչ գործողությունները և այն ռիսկերը, որոնց վերահանմանն են ուղղված, և որոնք կանխել են դրանք: Վերոնշյալ տեղեկատվությունը Նախագծում ներկայացված է թերի, մասնավորապես՝ ներկայացված չէ ռիսկերի իրավիճակի հստակ վերլուծությունը, ինչպես նաև ինչ է հնարավոր եղել կանխել կանխարգելիչ գործողությունների արդյունքում:

➤ Օրենքի 15-րդ հոդվածի 2-րդ մասի 3-րդ կետի համաձայն՝ Նախագիծը պետք է ներառի խորհրդատվական գործունեությունը, տնտեսավարող սուբյեկտների կողմից հաճախ տրվող հարցերի վերհանումը և այն իրավական ակտերը, որոնք տալիս են դրանց հստակ պատասխանները, սակայն Նախագծով չեն նշվում այն իրավական ակտերը, որոնք տալիս են վերհանված հարցերի հստակ պատասխաններ:

➤ Միաժամանակ, Օրենքի 15-րդ հոդվածի 2-րդ մասի 6-րդ կետի համաձայն՝ Նախագիծը պետք է ներառի տնտեսավարող սուբյեկտների կողմից առավել հաճախ կատարվող օրենսդրության խախտումները կամ շեղումները, որոնք վերհանել են տեսչական մարմինները, ինչպես նաև դրանց պատճառները և տարածվածությունը, սակայն վերհանված խախտումների պատճառները և տարածվածությունը Նախագծում ներկայացված չէ:

➤ Օրենքի 15-րդ հոդվածի 2-րդ մասի 7-րդ կետի համաձայն՝ Նախագիծը պետք է ներառի օրենսդրության մեջ փոփոխությունների կատարման առաջարկները՝ օրենսդրական բացերը լրացնելու, ստուգումների արդյունավետությունը բարձրացնելու և տնտեսավարող սուբյեկտների համար վարչական և վերահսկողական բեռը նվազեցնելու նպատակով, որը Նախագծում ներկայացված է թերի, մասնավորապես՝ օրենսդրության մեջ փոփոխությունների կատարման առաջարկները և այլ տեղեկատվությունը ներկայացված է ընդհանրական:

➤ Օրենքի 15-րդ հոդվածի 2-րդ մասի 8-րդ կետի համաձայն՝ Տեսչական մարմնի և դրա պաշտոնատար անձանց գործողությունների կամ անգործության, այդ թվում՝ պատասխանատվության միջոց կիրառելու վերաբերյալ վարչական ակտի դեմ բերված բողոքների քանակը, բովանդակությունը և դրանց վերաբերյալ ընդունված որոշումները ներկայացված են միայն սննդամթերքի անվտանգության ոլորտի համար և բացակայում են անասնաբուժության և բուսասանիտարիայի ոլորտներում: Բացի այդ, ներկայացված չէ նաև դատական կարգով բողոքարկման արդյունքները:

➤ Հաջորդիվ, Օրենքի 15-րդ հոդվածի 3-րդ մասի համաձայն՝ տարեկան հաշվետվության փաստացի տվյալները պետք է համեմատվեն նախորդ երկու տարիների իրավիճակներն արտացոլող տվյալների հետ, մինչդեռ Նախագծով նման համեմատություն չի ներկայացվել:

➤ Միաժամանակ, տեսչական մարմնի որակի ապահովման ստորաբաժանման կողմից ներկայացված գործունեության կատարողականի գնահատման արդյունքների հիման վրա կազմված ամփոփ տեղեկատվության մեջ ներկայացված Տեսչական մարմնի և դրա ծառայողների գործողությունների կամ անգործության, այդ թվում՝ պատասխանատվության միջոց կիրառելու վերաբերյալ վարչական ակտի դեմ բերված բողոքների քանակը չի համապատասխանում Նախագծով ներկայացված բողոքների քանակին:

➤ Բացի այդ, անհրաժեշտ եմ համարում Նախագծում անալիտիկ և քանակական վերլուծությունների, այդ թվում՝ իրականացված միջոցառումների արդյունքների մասով, ինչպես նաև վերհանված խնդիրների, բացահայտված ռիսկերի ուղղությամբ հստակ գործողությունների ներառումը, որն իր հերթին հնարավորություն կընձեռի վերահսկողության ոլորտներում գրանցել դրական արդյունքներ:

Առաջարկություններն ընդունվել են նախագծում կատարվել են համապատասխան փոփոխություններ:

Էլեկտրոնային քվեարկությանը մասնակցած Խորհրդի անդամների 8 կողմ ձայներով որոշվեց՝

**Հավանություն տալու Հայաստանի Հանրապետության սննդամթերքի անվտանգության տեսչական մարմնի 2021 թվականի հաշվետվության նախագծին:**


2. Հայաստանի Հանրապետության սննդամթերքի անվտանգության տեսչական մարմնի 2021 թվականի 4-րդ եռամսյակի կատարողականի գնահատման արդյունքները հաստատելու մասին

---

Էլեկտրոնային քվեարկությանը մասնակցած Խորհրդի անդամների 8 կողմ  
ձայներով որոշվեց՝

Հաստատել Հայաստանի Հանրապետության սննդամթերքի անվտանգության  
տեսչական մարմնի 2021 թվականի 3-րդ եռամսյակի կատարողականի գնահատման  
արդյունքները:

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ  
ԷԿՈՆՈՄԻԿԱՅԻ ՆԱԽԱՐԱՐ,  
ՄՆՆԴԱՄԹԵՐՔԻ ԱՆՎՏԱՆԳՈՒԹՅԱՆ  
ՏԵՍՉԱԿԱՆ ՄԱՐՄՆԻ ԿԱՌԱՎԱՐՄԱՆ  
ԽՈՐՀՐԴԻ ՆԱԽԱԳԱՀ



Վ. ՔԵՐՈՒԲՅԱՆ

ԽՈՐՀՐԴԻ ՔԱՐՏՈՒՂԱՐ



Է. ԲԱՍԵՆՅԱՆ